

# ساعة مع حازم | لقاء مفتوح مع الشباب | د. حازم شومان

حازم شومان

السلام عليكم ورحمة الله وبركاته. شبابنا وبناتنا اخواني واخواتي في الله ربنا يحفزكم ويبارك فيكم. اللقاء ده انا بستناه من فترة طويلة يا جماعة والله. يعني بستنى ان يبقى فيه - [00:00:00](#)

لقاء مفتوح بيني وبينكم اسمعكم واشوف المشاكل بتاعتكم والاسئلة بتاعتكم ونتكلم مع بعض يا جماعة. احيانا المشكلة الكبيرة حلها صغير جدا لما الانسان يلاقي حد جنبه. لما الانسان يلاقي حد يفكر معه في المشكلة بتاعته. يلاقي حد - [00:00:12](#)

الازمة بتاعته احساس عظيم اوي. احساس ان احنا نبقى مع بعض سند لبعض. احساس ان ده لو ده طبيعة كل المجتمع ملتزم وكل في المجتمع المسلم مع بعضه ونقف مع بعض في مشاكل دينا زي ما بنقف مع بعض في مشاكل ديتنا نقف مع بعض في مشاكل الدين والدنيا. مش ربنا سبحانه وتعالى بيقول الذين - [00:00:29](#)

في السراء والضراء. السراء في المناسبات الاجتماعية الجميلة. تلاقي اخواتك واقفين جنبك. الضراء في المناسبات الاجتماعية الحزينة. تلاقي اخوانك واقفين جنبك. طب هو فيه سراء وضراء اكثر من الدين؟ هو الانسان فيه حاجة بتفرحه في الدنيا اكثر من لما يقرب من ربنا؟ هو الانسان فيه حاجة - [00:00:49](#)

تحزنه في الدنيا اكثر من لما يحس ان الفجر رايح منه. ودينه بيقع ويبعد عن ربنا ومش عارف يعمل ايه. عايزين نقف مع بعض. عايزين نوصل لربنا. لازم توصل لربنا يا جماعة احنا ما قدمناش اختيار تاني. احنا مش آآ واحد آآ عنده طموح سياسي والله اعلم هيوصل لرئيس الجمهورية ويعينه وزير في يوم من الايام ولا لا - [00:01:09](#)

احنا مش واحد عايز يقرب من الملك بتاع المملكة اللي هو عايش فيها. ويعني وصل ولا ما وصلش في الآخر خلاص بقى ما جتش. احنا يا جماعة ما قدمناش بديل ان احنا نوصل لله - [00:01:29](#)

رب العرش العظيم اللي احنا بينا وبينه سبع سماوات وما بين سدرة المنتهى والعرش احنا بينا وبين ربنا كثير ولكن هذه المسافة تقطع بالقلوب الى الله واللي هيوصل لربنا هو اللي ربنا هيوصله. اللهم صلنا اليك. اللهم صلنا اليك. اللهم صلنا اليك. اللقاء ده - [00:01:39](#)

هدفه ايه يا رجالة؟ اللقاء ده وكلكم رجالة طبعا اخوة واخوات. يعني كلكم ابطال ان شاء الله بازن الله. اللقاء ده هدفه ان احنا نبقى مع بعض في الطريق الى الله. يبقى اللقاء ده معمول لمين؟ للي عايزة توصل لربنا. للي عايزة تبقى احسن من كده في الدين. للي عايز يبقى اقرب - [00:01:57](#)

مما هو عليه الان. انا واحد من دول انا نفسي اقرب منك يا رب. انا كلنا يا رب جايين الليلة. كلنا جايين عشان نقرب منك يا رب. كلنا الليلة يا رب جايين بنقول يا رب - [00:02:14](#)

خطوة لقدام يا رب يا رب قربنا منك يا رب يا رب وصلنا لك. يا رب يعني يا رب لك يا رب يا رب عرفنا جلالك يا رب احنا جايين النهاردة فين الطالب اللي سايب مزاكرته بيقول انا نفسي اقرب منك يا رب باي طريقة. وفينا اللي كان وراها شغل في بيتها واللي كان وراها - [00:02:24](#)

حاجات واللي كان وراها مسؤوليات وبتقول يا رب انت اغلى عندي من الدنيا. وفينا اللي كان وراه مواعيد ولغاها عشان الساعة دي ممكن تبقى هي الشبر اللي ربنا في الحديث القدسي قال عليه من تقرب الي شبرا تقربت منه ذراعا. لو ربنا قرب منا هذا الذراع. لو ربنا قرب منا هذا الباع. لو ربنا اتانا هرولة - [00:02:44](#)

يقبل علينا بوجهه. لو ربنا رضى عنا. لو ربنا فتح لنا الباب يا جماعة. يا رب ربنا يفتح لنا الباب الليلة. يا رب ربنا يقبلنا الليلة. خلوا

قلوبكم توجهها الى الله واحنا مع بعض يا جماعة انا طبعا هاستقبل مشاكلكم كلها باذن الله سبحانه وتعالى. حبايب قلبي ربنا يفرج كريبكم وغمكم يا رب. انا النهاردة معكم - 00:03:04

ان شاء الله باذن الله ساعة مع حازم. ساعة مع حازم. احنا اصحاب دلوقتي قاعدين مع بعض. كنت اسمعها على الرصيف. ولكن استاز ياسر بقى قال لي ساعة مع حازم. طبعا العمدة لازم نسمع الكلام - 00:03:24

فقلت له خلاص يا استاز ياسر تبقى ساعة مع حازم ان شاء الله. قاعدين مع بعض. انا صاحبك الوقتي. انا سدري جاي اسمعك وافتح لك قلبي واتكلم معك ببساطة انا يا جماعة مش جايب معي ورق محضر كلام اقوله لكم. انا يا جماعة جاي اكلكم من قلبي. اللي انا بافكر فيه هاتكلم معكم فيه. الموعظة اللي الوقت في صدري هاتكلم معكم فيها - 00:03:34

مشاكلكم بقى نبدأ نسمع المشاكل بتاعتكم. آآ وانا بحبك في الله. حبيب قلبي ابراهيم. وانا بحبك في الله. وربنا يبارك فيكم جميعا يا رب والاخت هناء ادعي لاولادنا يلتزموا بالصلاة آآ اختنا هناء عشان ولادك يلتزموا بالصلاة انت عايزة مجهود كبير. تربية الاولاد يا جماعة بتاخذ مجهود كبير في الاول وبعد كده - 00:03:54

فضل ومنة الله ربنا بيطرح فيهم البركة. تربية صلي معهم صلي معهم وانت بتصلي صلي معهم. هيعقلوني ودي هتعمل انها بتتوضى وده هيعمل ان هو مش عارف ايه وهياخده نص ساعة في الفرض. معلى بس انت بتبني مستقبل لولادك - 00:04:14

صدقوني يا جماعة اعمال كثير اوي مش محتاجة تذكير محتاجة تشجيع. محتاجة تشجيع شجعي ولادك. طيب يلا احنا دلوقتي هعمل لكم جدول في الصلاة واشوف واللي هيخلص جدول الاسبوع ده في الخمس صلوات له عشرين جنيه. طب انت بقى واللي كبير حدد لهم جايزة شجيعهم ابوهم لما يرجع كده - 00:04:27

قولي له تعالى اقعد معنا كلمنا شوية يا ستي انا لا راجل شيخ لوجه الله. اللي انت هتقوله ربنا هيدخله في قلوبنا. وهيطرح فيه البركة في قلوبنا. قبل ما تنامي هاتي ولادك كده قولي لهم تعالوا اما نسمع مقطع دعوي. جميل - 00:04:47

يا بابا احنا بنحب حد من الناس اللي بتزعق دي. في واحد اسمه حازم شومان بيزعق مش عايزين في واحد اسمه دكتور امير منير. جميل وطيب وزى العسل. ما تيجي نسمعه. فيه واحد اسمه دكتور محمد الغليظ زي السكر. ما تيجي نسمعه في واحد اسمه دكتور خالد حداد. حاجة جميلة خالص - 00:05:01

ما تيجي نسمعه اجتهدني اتعبي وادعي ربنا من قبل ومن بعد. آآ آآ يعني هل الحمد احبك في الله وانا بحبك في الله يا محمد نوران آآ عمرة التربية ان شاء الله اختنا الكريمة نوران عمرة التربية قريبا جدا هنعلن عنها وانا كنت شغال فيها النهاردة باذن الله سبحانه وتعالى في الطريق - 00:05:17

الاعلان عنها ولسه كان عندي يعني بعض اخواني الدعاة هنا في البيت بقول لهم انا قضيت العمرة عندي دي قضية حياة. بقول لهم يا جماعة انا في ثلاث قضايا عندي قضية حياء او موت. قضية - 00:05:37

الدعوة العامة ان يبقى فيه دروس للشباب في كل مكان. ان الشباب يسمعو دين. قلت لهم والقضيتين اللي لا يقل خطورة عندي فيهم قضية تحفيزات القرآن انا التزمت في حفز القرآن انا ما التزمتش في درس وعز قوي. انا ما سمعت درس قوي قبله للشيخ محمد حسان يا تارك الصلاة. اتهزيت وما التزمتش - 00:05:47

لما حفزت قرآن تبت الى الله وصليت ركعتين التوبة. اللي طول عمري ما كنتش قادر اصلهم. الشيخ احمد جلال تاب في ركعتين حفز قرآن. فتحفيزات القرآن عشان كده عملنا لكم على الصفحة عندنا معهد حفز القرآن غيرني. المفروض ان انتم تدخلوا التحفيز بقى.

العمل التالت اللي بالنسبة لي ده رسالة العمرة. العمرة - 00:06:07

لانها جماعة ربنا بيقول جعل الله الكعبة البيت الحرام قياما للناس قياما يعني عمود فقري. الشاب الغير ملتزم اللي هيروح عمرة ان شاء الله بالزات اول عمرة معها داعية بي فهموا بقى المناسك وبيربهم هناك وبيعرفوا من دينهم هناك. عشان كده يا شباب انا ان شاء الله باذن الله هاعمل لكم حملة كبيرة عن العمرة. مش عمرة التربية - 00:06:27

الستة اللي انا بعملها بس اي امرأة اي العمرة اللي الدكتور امير منير بيطلعها في السنة والعمرة اللي الشيخ احمد جلال بيطلعها في

السنة. اي داعية جميل ان شاء الله موفق - 00:06:47

مسدس بيعبي ومسدس بيعمل عمرة انطلقوا الى الله اطلعوا اطلعوا يا عم لوحدكم لو مش قادرين. بس اعبدوا ربنا صح هناك. العمرة دي بتغير الحياة. انت بتروح تستحمى في نهر من - 00:06:57

وترجع بقية الايمان. اول بيئة ايمان ادم بناها. سيدنا ابراهيم حارب طواغيط الارض عشان يبينها. دي بيئة الايمان اللي احنا رايعين نتضلع بها. اهل الكفر بيحاولوا يحاربوا ان احنا ما نروحش العمرة ويضغطوا على الدول العربية انها تصعب العمرة. ولكن احنا قتلة العمرة. ان شاء الله بازن الله في خلال ايام هاعلن عن عمرة التربية - 00:07:07

اللي له بقى اخ مش ملتزم. اللي لقي صاحبة مش ملتزمة. اللي يعرف عيلة مش ملتزمة. ان شاء الله بازن الله وهاجتهد. انها تبقى مستويين. مستوى يبقى يعني ثلاث نجوم كده بقى كلنا نبقي مع بعض فيه كده بازن الله سبحانه وتعالى. ومستوى للي عايز حاجة اعلى بحبس ان جميع المستويات يبقى الموضوع متاح ونعبد ربنا - 00:07:27

ونتطلع من نور الحرمين الشريفين بازن الله سبحانه وتعالى آآ اختنا اللي بتقول طب هي فين عمرة التربية وفين التحفيز؟ التحفيز موجود على الصفحة ان شاء الله بازن الله هنعمل اعلانات تباعا عن تحفيز - 00:07:47

حفز القرآن غيرني وازاي نرتبط به بازن الله. اه اه والعمرة هتتعلن بلطيم ربنا يحفزكم انتم اللي زي العسل. والله انتم بصوا اللي زي العسل. آآ ام يوسف ربنا يحفظكم ام يوسف. آآ آآ انا مش لاحق يا جماعة - 00:08:02

بس خلونا كده ايه آآ عايزين سلسلة هو اللاب يغير بسرعة غير طبيعية. طب معلش ممكن احاول آآ ابص على التليفون كده يعني ممكن التليفون يبقى ايه بالنسبة لي اسهل شوية ان شاء الله بازن الله آآ العزيم انا كنت لسة باقرأ آيات كانت مقصرة في قوي. يعني وربنا - 00:08:20

سبحانه وتعالى يقول في سورة يس اليوم نختم على افواههم وتكلمنا ايديهم. اهو البس اهوات آآ افتح بقى التعليقات كده واعيش معكم. ان شاء الله بازن الله ايوه الدنيا جميلة اهو. آآ كنت عايشة مع صحبة كلها غيبة ونميمة ريم ريم اشرف. ودلوقتي انا ندمانة جدا لما فهمت ان ده غلط وبستغفر ربنا - 00:08:40

آآ من وصمت عشر ذي الحجة الله اكبر. عرفات ما شاء الله ربنا فتح عليك يا ريم. آآ يعني وانا بعدت عن الصحبة القديمة آآ بس هم بيحاولوا بقى ايه وباحاول ما يكونش فيه اختلاط خالص بس هم بيجروا كلام وبيوقعوا كلام. بص اختنا الكريمة صاحب واحد وحش ممكن يضيعك - 00:09:02

خدي بالك انا مش باقول لك ان اصحابك دول ناس وحشة وناس آآ نيتها وحشة ولكن هم مبتلين بالمعصية ان شاء الله بازن الله انت ربنا يعينك وتبقي سبب هدايته. بس مش الوقتي. انت الوقتي محتاجة انت دلوقتي عاملة زي واحد بيغرق في بحر - 00:09:22  
اتمد له من السفينة. فهو قال كل صحابي لازم يمسكوا في طوق النجاة. هو وهم يغرقوا. امسكي في طوق النجاة. اطلعي لما تقدر تنجي وربنا ينجيك ارم طوق النجاة لاصحابك. انت الوقتي صاحبة البنات الملتزمة ادخلي في اي بيئة ايمان تتعال تحفظي فيها قرآن اي مشروع تحفيظ قرآن ادخلوا فيه - 00:09:38

قري على الصحبة الصالحة انما هم بيقولوا يوم القيامة ويوم يعرض الظالم على يديه. يقول يا ليتني اتخذت مع الرسول سبيلا. يا ويلتى ليتني لم اتخذ فلانا خليلا يا فلان واحد واحد بس ضيع له مصيره. اوعوا يا شباب تزرعوا شيطان في حياتكم. وتفكروا انه صاحب وانتيم. وهو هيضع لكم دينكم. اوعوا يا شباب - 00:09:58

ابو ابو طالب النبي راح في اخر عمره يدعوه للاسلام. ابو طالب مات كافر عشان ابو جهل. قال له على ملة عبدالمطلب. كان زارع شيطان في حياته آآ سمر سمر آآ محمد آآ كيف النجاة من الدنيا؟ النجاة من الدنيا بالصحبة الصالحة يا صبر - 00:10:18  
والله انا بقول لكم الكلام اللي انا بتدين به. انا حريص على اخواني واوقات كتير جدا ممكن الواحد يدي دروس ويعمل مشاريع ولكن بينفقها مع اخوانه اللي احنا ما بنعملش مشاريع مع بعض ولا حاجة ليه؟ لان اخواتك دول اللي هتوصلني معهم لربنا. يعني كنت باكلم زوجتي من ايام باقول لها انا اهم حاجة عندي في الصحبة الصالحة في حياتي - 00:10:38

ان حد وانا بموت يزكرني بلا اله الا الله. حاجة معنى غالي جدا جدا جدا اه سيد كشري انا ممرض ونفسي اشتغل معك وبجد محتاج اقابل حضرتك. حبيب قلبي يا سيد. انت - [00:10:58](#)

راجل بتخفف الام الناس. الحقنة اما تديها خفيفة كده ربنا. محلل المحلول لما تعلقه كده يا بختك عند ربنا احتسب على الله كل حاجة انت بتعملها ان شاء الله بازن الله واسمع مقاطع دينية كتير. يعني انت بتبقى قاعد جنب حد معلق محاليل معلق دواء. آآ حد مريض بترعاه. ربنا يسددك وبيبارك فيك. حبيب قلبي ان شاء الله - [00:11:13](#)

قريباً تقابلني في عمرة في اعتكاف في المسجد ادعوا ربنا يا شباب ربنا يفتح لنا ابواب المساجد تاني. ادعوا ربنا يا شباب والله المساجد ما هي بايد حد المساجد بايد الله سبحانه وتعالى يخفض القسط ويرفعه. لو ربنا رضى عنا هيفتح لنا ابواب المساجد تاني. بازن الله سبحانه وتعالى - [00:11:33](#)

آآ معتز الجمل آآ يعني ايه ابرز المعجبين يا استاز ياسر معنا على طول بيتابعنا بيتابعنا على طول معتز الجمل والله معتز على راسي حبيب قلبي بس انت الدنيا فلتت مني خالص. رضاك جنتي ربنا يحفظك يا دكتور حازم والله - [00:11:51](#)  
من فرحتنا بنكلمك ربنا يحفزك يا اختنا الكريمة. وبيبارك فيك يا رب اللهم امين. ميساء انا مش عارف يا جماعة انا كل ما بمسك حاجة الدنيا بتطير. اه اه اخونا ابراهيم انا مغترب في الاردن. ادعي لي ارجع لاهلي. اوعى تبعد عن اهلك. اوعوا انا بكلم الوقت كل شاب بيشتغل في - [00:12:09](#)

السعودية وسايب مراته. باكلم الوقتي كل واحد سافر يشتغل في الخليج وعنده ديون في مصر. وسايب مراته انا باكلمكم جميعا يا جماعة اوعى تعيش في بلد ومراتك في بلد انا على يدي نص اصحابي ونص اللي انا اعرفهم سافروا اشتغلوا برة في الخليج وقالوا احنا مديونين وسابوا بيوتهم آآ بيوتهم خربت ومراتهم اللي - [00:12:29](#)  
رفع عليه قضية خلع والي اطلقت والي حصل مصايب اوعوا اوعى تسيب مراتك في بلد وانت في بلد مهما كان تعال هنا مراتك تاكل عيش وجبنة جنبك وتستغيس بالله قبل الفجر بنص ساعة كل يوم. يأدي عنك ديونك والله ربنا يفرجها. اوعى ترمي نفسك في الديب فريزر. يا تاخذ اسرتك يا اوعى تسافر - [00:12:49](#)

انا بقول لكم دي وانتم احرار انا اتعلمت من حاجات كتير ولبست النقاب ربنا يحفزك يا اختنا الكريمة. دعاء سلطان ادعي اولادي بالهداية. ربنا يهدي ولادي واولادك وولادنا جميعا يا رب اللهم امين - [00:13:09](#)  
ابو مصعب انا خارج في سبيل الله بنية الهداية. ايه رأي حضرتك في التبليغ؟ حبيب قلبي ابو مصعب. انا اخواني في التبليغ والدعوة. انا اتعلمت الدعوة بسببهم. واتعلمت الدعوة لما سافرت معهم في كل حطة اللهم لك الحمد يعني وطول ما انت بتحضر للعلماء وبتحضر لاهل العلم اخرج مع تبليغ الدعوة واستفيد منهم في الدعوة - [00:13:22](#)  
يا اخي واحد بيقول لي لأ وازاي وفي حاجات بيعملوها مش صح. قلت له انت لو جا لك الوقتي فرصة دكتوراة في امريكا عند ناس كفار. في الزرة هتروح تحضرها قال - [00:13:42](#)

طبعاً قلت له طب دول كفار واستفدت منهم في الدنيا؟ طب لو حد يا اخي انت بتقول عنده خطأ وافترضت ان عنده خطأ وعنده حاجات تانية اعظم مليون مرة من الخطأ ده على السنة - [00:13:52](#)  
حاجة حاجة جميلة. ما تستفادش منه في الدين. يا جماعة عايزين يعني من اكبر مدارس تعلم الدعوة في العالم مدرسة التبليغ والدعوة اتعلمت معهم الدعوة. وكل اللي انا بقوله في الدعوة الى الله في ميزان حسنات هؤلاء الناس. وفي نفس الوقت انا راجل سلفي من مفرق رأسي حتى اخمص قدمي. بفضل الله سبحانه وتعالى بحضر للعلماء - [00:14:02](#)

مرتبط باهل العلم ومرتبطة بالمشايخ اتعلمت معهم الدعوة. ايه المشكلة يا جماعة؟ مش شايف ان فيه مشكلة بصراحة. آآ بسمة نفسي في عمرة مع حضرتك ربنا ربنا يرزقك. ادعي ربنا. يا جماعة العمرة والله العزيم ما هي بالتأشيرة اللي من السفارة السعودية. في حاجة اسمها التأشيرة الربانية. في ناس معها مليارات ومش عارفة تروح - [00:14:22](#)  
فيه ناس ركبت وراحت عمرة لما اهلها ضغطوا عليها وقالوا لهم عيب انتم معكم ملايين عيب ما تروحوش عمرة. راحوا هناك اتسرقوا

من قبل فلوسهم اتسرقت قبل ما يدخلوا الحرم - 00:14:42

قالوا طب والله ما احنا داخلينه ورجعوا تاني. استغفر الله العظيم واتوب اليه. ربنا مش كاتبها لهم. فيه ناس ساكنين قدام الحرم

واصحاب فنادق قدام الحرم عمرهم ما دخلوا الحرم. يا جماعة - 00:14:52

التأشيرة الربانية لو طلعت ربنا يفتحك. صلحي بينك وبين ربنا. وفي نفس الوقت اعملي صندوق وحوشي. طول ما انت بتحوشي ربنا هيعينك العربية اللي انا بركبها اللي بعض الناس ساعات في التعليقات تقول يا شيخ العربية الفخمة العربية اللي انا جاية العربية

يا جماعة مستعملة يعني الحمد لله والشكر لله بس الحمد لله نعمة كبيرة - 00:15:02

من ربنا اللهم لك الحمد. العربية دي قعدت انا ومراتي سنة نحوش حوشي اربعة وتلاتين الف جنيه عشان نجيب عربية. مش عارفين فقاعد مع ولادي مرة فبيقولوا يا ابي انت الدعاء مش مستجاب كله قلت لهم ليه؟ قالوا لي طب ما انت ما ما ربنا ما ادكش عربية. قلت

لهم طب يلا كان بقى وقتها صغيرين شوية - 00:15:21

قلت لهم طب يلا ندعي ونطلب من ربنا العربية. قلت لهم والله انا ما طلبت من ربنا العربية. مكسوف اطلبها من ربنا. ربنا هيعمل الخير.

ودعينا ساعتها بالعربية. نازل بعدها بساعات - 00:15:39

لقيت واحد جاري بيقول لي عايز تجيب عربية قلت له ده انا محوش اربعة وتلاتين الف جنيه. قال لي طب وفي مية الف جنيه من

معي سلف استلفهم وسددهم على راحتك وجبت العربية في خلال - 00:15:49

الايام قلت لهم شايفين يا عيال؟ ان ربي سميع الدعاء. يعني خدي بالاسباب وقولي يا رب. في هذه العمرة. همسات عابد الله اسمك

جميل قوي ربنا يبارك في عمرك انت كمان. انا نفسي اعتكف معك معاز واسافر معك عمرة حبيب قلبي انا يعني انا بعتكف عشان

مين؟ ما هو عشانك انت واخوانك - 00:15:59

وباطلع العمرة عشان ما ينفعش انك انت واخوانك انا موجود يا حبيب قلبي. توجه الى الله وربنا يفتح عليك آآ سنحيا كراما آآ ذنوب

الخلوات اعمل ايه؟ قال الله عز وجل انت بتقع في العادة السرية انت في مكالمات محرمة انت بتتفرجي على حاجات غلط انت -

00:16:19

ايا ما كان معاصي السر يعني مش قادر تغض بصرك. قال الله عز وجل ويدروون بالحسنة السيئة. يدروون الدراء ده مصطلح عسكري.

لما حد يبجي يحارب وانت بتحارب قصاده وترد وبتدافع وبتهجم كمان هو مش مصطلح دفاعي بس. مصطلح هجومي. يدروون

بالحسنة السيئة. يبقى انا في حياتي سيئة. ازاي - 00:16:36

بالحسنة. اذا دخلت الطاعة من الباب هربت السيئة من الشباك. اوعى تقف على سرية تقعد تصوت وتلطم وتقول انا وانا ربنا لو كان

راضي عني كان تبعك سيبك من الكلام الفارغ ده. الكلام ده كله مش هيجيب حاجة. اومال ايه اللي يخليني اخلص من المعصية انك

تملى حياتك بالطاعة؟ واحدة واحدة المعصية هتقعد تتزحزح لحد ما - 00:16:56

من الشباك السيئة. قال رسول الله صلى الله عليه وسلم قلبي على سرية تقعد تصوت وتلطم وتقول انا وانا ربنا لو كان

تقعدش تحبط يا عيسى انا انا وقعت في معصية ربنا رحيم. انا قاعد قدامكم الوقتي. وقدامي لوحة الاسماء الحسنى. اخ من اخواني

الوقتني باعرض عليه حاجة كان قاعد على الكرسي دهو. الكرسي - 00:17:16

جنب الكرسي اللي قاعد عليه استاز ياسر. فباقول له الحاجة دي فهو متردد فقلت له بص وراك كده. فبيص كده قال لي ايه ده ؟ قلت

له رحت الاسماء الحسنى. قلت له اللي له اله بالمنزر - 00:17:38

ده يزعل لو حد خزله او ما وقفش معه في حاجة. يا ابني قل رأيك انا مش زعلان. انا معي ربنا سبحانه وتعالى. يعني ربنا كريم ايه

يعني لو وقعت في معصية كل بني ادم خطاء. وخير الخطائين التوابون. خليك خير البشر اللي هم التوابين. كل ما تقعي اتبع السيئات

الحسنة - 00:17:48

للعمل مع في سلسلة نفسي كلکم تسمعوها. يا ريت لو حد منكم واعى مركز معي دلوقتني يجيب لينكات السلسلة ويديها لكل اصحابه.

وينشرها على قد ما يقرأ السلسلة دي من - 00:18:08



اقيم ما رزقني الله في حياتي في الدعوة. سلسلة دستور الملتمزم الجديد. اسمها التزمت سم مازا؟ او دستور الملتمزم الجديد. السلسلة دي خطيرة الثانية فيها اللي هي خماسية الارتقاء. كنت باتكلم عن فقه التعامل مع الذنب. وفقه التعامل مع الدنيا. وفقه التعامل مع الفتور. قضية خطيرة اوي. يا ريت لو تسمعوا خماسية الارتقاء دي - [00:18:18](#)

يا حلقة وبقت سلسلة مهمة جدا. ولكن خماسية الارتقاء خطيرة. يا ريت لو تسمعوها اللي يقدر يلخصها اللي يقدر يكتبها اللي يقدر يعمل منها مقطع يعني عايزين فريق مونتاج يا رجالة. بس عايزين فريق مونتاج احترافي. يعني احنا معنا فرق منتجي. بفضل الله ربنا يحفظهم ويبارك فيهم. فرق فرق بين الناس - [00:18:38](#)

وفرق آآ يعني سفينة الدعوة وفرق اهل القرآن. عايزين فرق منتشر احترافي. هعلن ان شاء الله في خلال ايام سيد كشري ثاني يا سيد وانا بحبك اخوك. ايمن آآ ربنا يعطيك الصحة والعافية يا رب. يا ربنا نسأل الله اليقين والمعافة. ابو مريم ان شاء الله منتزك نتقابل في - [00:18:58](#)

ان شاء الله يا حبيب قلبي بازن الله يا رب يجمعنا في الحرمين الشريفين. عادل الجزار ازاى صحتك حبيب قلبي يا عدولة؟ بس ده انت معك رقم الواتس بتاعي عادل ولسه باعت لي النهاردة وباعت لك خمسين قلب احمر. يبقى واتس وفيس انت طماع يا عدولة. ربنا يوفقك يا حبيب قلبي. انا بحبك في الله. انت راجل شاب جميل ومجتهد. نور - [00:19:19](#)

الهدى نفسي اشتغل في الدعوة الى الله يا رب يا نور يا رب ربنا يفتح عليك. الدعوة دي استعمال يا جماعة. الدعوة دي استعمال. الدعوة دي لما الخير بيفيض جواك ربنا بيستعملك. كان الشيخ امين يقول لي زمان وانا بقى بتربى بقى معك - [00:19:39](#) كده وانا طالب في الكلية اقول له انا نفسي ربنا يستعملني في الدعوة. يقول لي يقول لي انت الدعوة دي عاملة زي النهر لما بيفيض بيخلي الضفافين اليمين والشمال جنة - [00:19:52](#)

عاملة زي الابريق اللي لما يتملى مية يبدأ يفيض براه. انت لما تهتملى خير هتفيض على الدنيا. وهتلاقي ربنا بيستعملك لوحده كده. قربنا يوفقكم اياد اياد انس نفسي اداوم على الذكر. الله! كلام جميل قوي يا اياد. آآ اياد. بيتهاى لي اياد. آآ - [00:20:02](#) آآ آآ كلام جميل قوي يا اياد انك نفسك تداوم على الذكر بس احزر من المثالية في الالتزام. دي برضو في دستور الملتمزم الجديد انا عملت حاجة في اخرها اسمها العشرين - [00:20:22](#)

السوداء اللي هي العشر صفات اللي بتحطم اي ملتزم. من ضمنها المسالية في الدين. وعدم الواقعية وعدم الفكر العملي. نفسي اداوم على الذكر. حبيب قلبي حدد ورد ذكره ربع ساعة بعد الفجر كل يوم. ربع ساعة مش هقول لك كمل جلسة الضحى كلها. ربع ساعة ابدأ ابدأ ربع ساعة قبل ما تنام. ربع ساعة في اي وقت فاضي عندك بعد - [00:20:32](#)

العشاء ايا ما كان. آآ بعد ما تخلص مزاكرتك بالليل اقعد ربع ساعة ذكر. وشف احب ذكر الى قلبك ابدأ بداية سهلة. ميك زفاريستيب ماينور ستيب آآ ام روميساء عليه الصلاة والسلام عليه الصلاة والسلام. آآ وانا حبيب قلبي وانا احمد فوزي وانا بحبك - [00:20:52](#) ربنا يحفظك ويا ريت يبقى في تواصل بينا دايما. حبيب قلبي الغالي. غاية الشهادة يا ريت يا شيخ تعمل معسكرات للشباب. آآ اختنا والله يا ريت والله كل عمل معسكرات ايامنا الحلوة كانت رحلته - [00:21:12](#)

كانت مالية الدنيا خير. ما انساش اخر رحلة كان معي مية وخمسين شاب كان حاجة جنة. اللهم لك الحمد. كلهم تابوا الى الله. ما اعرفش دلوقتي بقى مين اللي يكمل ومين اللي يكملش - [00:21:25](#) انتم راجعين كلهم تائبين الى الله. حاجة عظيمة. ادع ربنا. ادعو ربنا. ربنا يفتح علينا ثاني في الرحلات الشبابية. يا ريت والله. واعمل لكم رحلة على على الصفحة. انا محتاج فرق معك - [00:21:35](#)

يا جماعة يعني محتاج ان انا اعمل رحلة شبابية. عايز فريق بقى يرتب رحلة كده نتواصل ازاى؟ مش عارف. يعني عايزة آآ ان شاء الله بازن الله اه عايز اعمل ايفنت كده تبرع لمرضى الفشل الكلوي في القاهرة. ايفيد محتاج برضو يبقى معي فريق شباب وبناات يرتبوا الايفنت ده. اه يعني حاجات كتير محتاجة - [00:21:45](#)

بس مش عارف نتواصل ازاى؟ طب انتم رأيكم نتواصل ازاى؟ الشباب اللي عايز يشتغل اتواصل معه ازاى؟ اعمل لكم اعلان مسلا اللهم

يسر باذن الله. ديننا سم ماذا لازم تسمع يا دكتور؟ ربنا يحفزك يا ديننا وتبقي جندية كده في نشر لانها مهمة جدا جدا ادعي لي بالحج  
عامر علي - 00:22:05

انا مديون ومريض حبيب قلبي المرض يا رب يشفيك. والدين يا رب يؤدي عنك. والاحتياج المالي يا رب يغنيك من فضله. قل يا رب.  
قل يا رب وخذ الاسباب آآ شريف جعفر لسة في دروس في مسجد السلاب ياه يا شريف حبيب قلبي دروس مسجد سلام - 00:22:25  
نوع من سنين الحمد لله ربنا يفتح لنا ابواب الدعوة اليه. اسأل الله ان يفتح لنا من ابواب الدعوة اليه ما يرضى به عنا. اللهم امين.  
رضاء جنتي انصحني بكتاب عن السيرة الذاتية للنبي عليه الصلاة والسلام. والله اختنا كتاب الرحيق المختوم تحفة. تحفة. يعني فيه  
ناس لانه مشهور قوي - 00:22:46

اوي فزهدت فيه بالزات اللي بيجبوا طلب علم عميق وكده. كتاب الرحيق المختوم تحفة عن النبي عليه الصلاة والسلام. انصحك  
تقرئيه هيفير حياتك وادعي لي وانت بتصلي على النبي عليه الصلاة والسلام. جنة الرحمن عمرة التربية ان شاء الله يا جنة. باذن الله  
عبدالفتاح عبدالحميد آآ عايز احضر ايفنتاتك والدروس - 00:23:06

الاعتكاف والعمرة حبيب قلبي انا موجود ربنا يوفقك ويبارك فيك. ايه؟ الشباب شهيته للدين مفتوحة والله يا جماعة. كت في ايفنت  
كده من ايام آآ يعني عند جامعة معينة يعني بفضل الله كمية الشباب والبنات اللي جت وقاعة اتقفلت والقاعة الثانية وما بينهم  
واضطريت ادي في الصلاة اللي ما بين القاعتين انا انا كان قلبي - 00:23:26

طاير من الفرحة يعني باقبال الشباب على الدين. انتم انتم حاجة جميلة اوي يا شباب. بتحبوا ربنا ونفسكم تعملوا حاجة للدين. اوعوا  
تتنازلوا عن طموحاتكم في الدين اوعوا صاحبوا بعض اتقابلوا مع بعض قربوا من بعض. نفسي اعمل على الصفحة ترابط وتعارف ما  
بينكم وما بين بعض ما بين الشباب والشباب والبنات والبنات طبعاً يعني - 00:23:46

عشان تهربوا من بعض اكثر ونفسي اعرفكم بالاعمال اللي احنا بنعملها على الصفحة تحفيظ القرآن ومعاهد فهم القرآن. حيس ان انتم  
تستفادوا من كل ده. ونفسكم كلكم تشتغلوا ثلاث حاجات دول نفسي فيهم. نفسي كلكم تشتغلوا معنا فريق ايفنتات. آآ نرتبها كده مع  
بعض آآ حاجات منتج احترافي حاجات في نشر - 00:24:07

وازاى ان احنا ننشر الحاجات الجميلة في كل مكان؟ نفسي في حاجات كتير قوي انتم طاقاتكو عالية جدا جدا. اعمل قوافل خيرية  
على الصفحة. نعمل رحلات شبابية على الصفحة وهكذا يعني ان شاء الله. كل ده عايز فرق طبعاً. ونفسي في نفس الوقت ان انتم  
تتبنا بالمشاريع اللي احنا بنعملها. ونفسي في نفس الوقت ان آآ يعني تتعرفوا على بعض لان ده هيفرق معكم جدا - 00:24:27  
طبعاً لو دخلتم المشاريع زي تحفيظ القرآن هتتعرفوا على بعض ام جنى راحت سؤال يا ام جنى فاطمة آآ يا رب ربنا يتولانا يا فاطمة  
ربنا يتولانا آآ انا في الصلاة زهني بيكون شارد اختنا الكريمة الصلاة الخشوع في الصلاة هو محصلة - 00:24:47

قبل الصلاة يا نادية. يعني انت قبل الصلاة افتحي المصحف واقري ثلاث سطور قرآن. او اقعدى استغفري ربنا مسلا عشر مرات. او  
صلي السنة القبلية هتفرق معك جدا قبل الصلاة لو انت مع الله هتلاقي الصلاة مع الله سبحانه وتعالى. اعلمي عمل بسيط كده  
تستحضري به خشوعك. زي اللي نفسي علي بيقول - 00:25:05

نفسي تحدد مواعيد للبت آآ مش عارف بقى استاز ياسر ما بنحددش معاد للبس ده يا استاز ياسر. حدد لي مواعيد للبت وانا اشتغل يا  
استاز ياسر. انا انا دايماً بحب اليقودني في الدعوة وفي الخير - 00:25:25

بحب اوي اوي اوي لما اشتغل معي وخدني. ويسخني على قرآن نفسي اقبالك. حبيب قلبي انا موجود. آآ ربنا يحفزكم ويبارك فيكم  
اسراء ادعي لي ابي يوافق على النقاب. ادعي ربنا. زوجتي كانت والدتها ربنا يحفزها حماتي عندي في البيت دلوقتي. كانت والدتها  
مش راضية انها تنتقد. فبتقول - 00:25:38

جيت ليلة وصليت وعيظت لربنا لقيتها الصبح بتقول لي لو عايزة تلبسي النقاب البسيه عيظي شوية. عيظي لربنا واعيظي لباباك.  
صدقيني انا عندي ثلاث بنات وعارف. انا لو بنتي عيظت لي على حاجة ما بقدرش قلبي بيتفطر قدامها. عيظي له واقعدى -

00:25:58

في البيت يومين عيطي هيقول لك لو عايزة تلبسي ملحفة البسي انت حرة. وعيطي لربنا قبلها ربنا يحفزك آ فاكرة يوم ايفنت القاهرة  
كان يوم جميل بسمه عصام وامنية زكريا اه والله يا اختنا الكريمة. ربنا يحفزكم ويبارك فيكم - [00:26:14](#)

آ نفسي احضر لك في مكان مصطفى ابراهيم. آ ما فيش درس دلوقتي في المسجد سابت. انا معكم على الصفحة بقى اهو وباحاول  
اتواصل معكم ان شاء الله. نفسي يبقى فيه قناة لو حد عندكم - [00:26:32](#)

وعنده فكرة زكية اتواصل مع الشباب اللي عايزين يشتغلوا على الصفحة وعايزين يتربوا اتواصل ازاي لان بفضل الله احنا ملايين على  
الصفحة في وسطهم بقى في ناس عايزة تعمل حاجة للدين. آ الواحد يكتشف ازاي الموضوع عايز مجهود منكم وليس مني فقط. انا  
بحاول اقرب والله يا جماعة. لمياء - [00:26:43](#)

يا شيخ تيجي لنا جامعة بني سويف. يا لمياء هاتي تصريح من الجامعة وانا اجي لكم جري. ان شاء الله بازن الله. هاتي تصريح.  
رضوى راحت آ رحمة عايزين دروس في اسكندرية - [00:27:03](#)

هاتوا اي يعني اي ندوة اي تصريح من اي ندوة في الجامعة في اسكندرية وانا اجي لو حد منكم يعرف يجيب ندوة في الجامعة  
تصريح ان شاء الله اجي لكم بازن الله سبحانه وتعالى. جمعت آ - [00:27:16](#)

من رمضان ايوة يا اسماء اجي طبعاً ولكن هاتي تصريح. ان شاء الله بازن الله يعني ايه يعني وانا يعني اخواني اللي معي سهل ان  
اوصل لهم ان شاء الله لو جبت التصريح - [00:27:26](#)

آ انا في وقت بيضيع من يوم يا دكتور ايمان اعمل ايه؟ آ آ ما تفكيرش في الوقت اللي بيضيع. فكري في الوقت اللي انت بتعمله.  
زمان وانا طالب آ - [00:27:38](#)

يعقوب بقول له يا شيخ انا هنام تمن ساعات في اليوم. فالشيخ شهداه الشيخ يعقوب بينام ساعتين في اليوم ربنا يدي له الصحة  
والعافية يا رب. وبعد كده بعد ما اتعز كده قال لي بص يا ابني مش مهم هتنام قد ايه - [00:27:49](#)

المهم لما هتصحى هتعمل ايه؟ انا مش تفكري في الوقت اللي بيضيع. انا عايزك تحدي ساعتين في اليوم تستسمرهم صح.  
صدقيني الساعتين بعد شهر هيقوا ثلاثة. بعد شهرين هيقوا اربعة - [00:27:59](#)

بعد سنة هيقوا خمسة. فكري في الصح. فكريش في اللي بيضيع. ما تفكيرش في الزنب اللي بيقع. فكري في الطاعة اللي انت  
بتعملها. ده الفكر العملي واسمعي دستور الجديد ممكن ان شاء الله بازن الله آ نفسي ربنا يهدي زوجي يا رب يا رب يهديه اهو. علي -  
[00:28:09](#)

آ انا آ بطلت السجائر ادعي لي بالهداية التامة يا حبيب قلبي يا علي يا ماهر ربنا يهديك. ويفتح عليك يا رب. آ منى زيدان ربنا  
يستعملها في يا رب ويرزقها بحسن الخاتمة يا رب اللهم امين - [00:28:29](#)

آ آ اختنا ام ابياها. دايماً بتذكر الموت ودايماً في في خوف. آ آ ده مش صفات المؤمن اختنا الكريمة دوام تذكر الموت دي شخصية  
تشاؤمية. لأ المؤمن بيفتكر الموت ساعات وبيفتكر الجنة ساعات بيفتكر عقوبة ربنا ساعات وبيفتكر رحمة ربنا - [00:28:42](#)

نصيحتي بك كان احد اخواني يعني عملها هو دلوقتي من الدعاة الكبار ما شاء الله وكتاب الله. كان عملها وهو لسه طالب في كلية  
طب بدأ يسمع كتير عن رحمة الله. اسمعي - [00:29:02](#)

فصل عن اسماء الرحمن الرحيم الودود اللطيف الكريم. البر التواب اسمعي الاسماء دي. انا كل اسماء الدروس عن اسماء الجمال.  
اسمعي هتفرق معك جدا ان شاء الله بازن الله. آ عبيدة آ انا مش عارف استمر في الالتزام. حبيب قلبي دا انت من ابرز - [00:29:12](#)

انت يعني حاجة بطل يعني. ربنا يحفظك. ربنا يثبتك يا رب. اوعى تضعف. اوعى الخير اللي بيروح ساعات ما بتعرفش ترجعه تاني.  
ربنا مديك الفرصة وانت دلوقتي جوة الايمان اوعى تخسرهما. نصيحتي لك لو عايز تلتزم ادخل في تحفيظ قرآن في الجزء الثلاثين  
حتى. نصيحتي لك وابد شرف مين الشيطان اللي في حياتك دخل - [00:29:30](#)

ووقف لك من الالتزام الوقتي. اخلص منه بسرعة صدقني شروق جامعة المنصورة محتاجة ندوات ما قلت لك يا اختنا شروق يا رب  
يفتح باب الندوات الجامعية يا رب. يا رب يفتح من ابواب الدعوة الى ما يرضى به عنا يا رب. يا رب اختنا الكريمة - [00:29:50](#)



اه اه علاء او الاء بتقول ممكن اعرف ابدأ من اي سلسلة كسنة اولى التزام سلسلة دستور الملتزم الجديد. اللي هي التزمت سم مازا ؟  
السلسلة دي مهمة جدا جدا جدا - [00:30:10](#)

آآ اه محمد ليه مش بتعلن عن اماكن الخطب والايقتات؟ ما انتاش عارف ليه مش بعلن عن اماكن الخطب والايقتات يا محمد؟  
عشان قليل قليل يتم احسن من كثير لا يتم. حبيبي يا محمد انت محتاج تتكحرت في الدنيا شوية يا ابو حميد. ابو البراء فريق العفة  
يا دكتور انا هكون يوسف وانت هتكوني - [00:30:23](#)

مريم ومش هنجب الا ازواجنا. حبيبي يا ابو البراء ربنا يبارك في فريق العفة وفي كل الفرق الشبابية يا رب. اللهم امين يعني اه غاية  
الشهادة بتقول محتاجين شيوخ مربية بجد يا شيخ. والله اختنا الكريمة يعني ارضي بالموجود. ادخلي اكااديمية زاد - [00:30:46](#)  
تاج الكرامة او احسن حديث عوض كثير جدا جدا عن غياب المربين ادخلي المبادرات العلمية دي اللي زي تاج الكرامة حديس  
واكااديمية زاد الحاجات دي جميلة جميلة وعزيمة. ادخلوها يا جماعة وصناعة المحاور - [00:31:08](#)

الشيخ العميري عامل معهد آآ الشيخ العميري او الشيخ العجيري. الشيخ العجيري عامل معهد في العقيدة. ادخلوا الحاجات دي يا  
جماعة تفرق معكم جدا آآ لو كل يوم تدينا ساعة من وقت حضرتك اختنا آآ جودي ان شاء الله ربنا يعيني يا رب. انا باديكم اكر من  
كده فعلا. ربنا يحفزك ويبارك فيك يا اختنا الكريمة - [00:31:25](#)

آآ محمد شرف آآ ربنا يبارك في الاستاذ ياسر طلحة يعني انا قاعد انا اقول استاذ ياسر انما يعني قل لي انا بحبك يا شيخ وشوية كلام  
حنين كده. حبيبي استاذ ياسر ده نور عنيا اللي يحبه انا بحبه - [00:31:46](#)

اه يا رب ارزقنا يا رب صحبة النبي عليه الصلاة والسلام. اه عايزة اسماء كتب تشد الهمة. اختنا نهى. اسماء كتب تشد الهمة كتب  
الاستاذ خالد ابو شادي دوري على اي كتاب للاستاذ خالد ابو شادي. لو عايزة الكتب تعلي الهمة كتب خطيرة في تعليه الهمة. ولو  
عرفتي توصلي لكتاب لي اسمه انا مش - [00:32:02](#)

فهمني برضو اه اه يا شيخ اعلن عن المواهب اللي كل واحد يمتلكها. اختنا نوران طب اعلن ازاى يا نوران؟ يا ريت والله. انا عايز  
اعرف المواهب اللي كل واحد يمتلكها. انا عايز اعرف مواهبكم - [00:32:22](#)

وانتم شغالين في ايه؟ انا عايز اتعرف عليكم. بس تعارف ديني. انا عايز اعرف انتم بتعملوا ايه في الدين؟ يعني عايز اتعرف عليكم  
طب اجيب ده منين بقى؟ يعني ممكن - [00:32:35](#)

اعمل مسلا حملة تعارف ديني على الصفحة كنت بعملها زمان انت بتعمل ايه؟ التزمت من كم سنة؟ حفزت قد ايه؟ نشاطك دلوقتي  
في القرآن وحفزه او طلب العلم او الدعوة او في فريق آآ كلية او في اي فريق - [00:32:45](#)

او خيرى او نهضوي بتعملوا ايه؟ بتعملوا ايه سواء في اي حاجة بنائية او في اي حاجة عطائية. تعملوا ايه؟ سواء في اي حاجة  
اصلاحية او في اي حاجة تعملوا - [00:32:59](#)

ايه اخباركم ايه؟ يعني مش عايز اعرف مشاكلكم ايه؟ الوقتي انا بعرف مشاكلكم. انا عايز اعرف مزايكم ايه؟ التعارف الديني ده  
جميل اوي اوي اوي. آآ ان شاء الله - [00:33:09](#)

هحاول اعمل لكم موضوع التعارف الديني ده باذن الله سبحانه وتعالى آآ نادرة مش هتنزل دمياط يا رب. يا رب يعيني ويستعملني  
في كل سفر من صغور الدعوة يرضى بها عنا يا رب. امير انت باعت لي قلبين حمر حبيب قلبي اميرة هيبعت لك - [00:33:19](#)

الف قلب احمر. آآ آآ يا رب يهدي اولادك يا رب. يا رب يهدي اولادك يا طالبة الجنان يا رب. اللهم امين. آآ مروة سعد انا بغسل كل  
ساعات بيحي اجمع الصلوات مع بعض حرام ولا ايه؟ حبيبي اختنا الكريمة ربنا يشفيك. اسأل الله ان يشفيكي يا مروة يا سعد. اسأل  
الله ان يشفيكي ويعافيك يا مروة يا سعد. اسأل - [00:33:32](#)

اسأل الله ان يعافيك. اسأل الله ان يشفيكي شفاء لا يغادر سقما. آآ النبي عليه الصلاة والسلام جمع في المدينة من غير سفر ولا مرض.  
ابن عباس لما سئل لما قال اراد الا يخرج امته؟ فالنبي كان احيانا يجمع الظهر والعصر مع بعض والمغرب والعشاء مع بعض فازن ان  
انت ممكن يبقى لك رخصة لو انت من اهل هذا الحديث يا اختنا الكريمة - [00:33:56](#)

آآ ياسمين نفسي اجي اعيش في المنصورة المنصورة مليانة دعاء يا ياسمين بس يعني المهم ربنا يبارك لك في المكان اللي انت فيه. آآ عايزينك في الفيوم عايزين محاضرة في الفيوم يا رب يستعملني يا رب. الشيخ احمد شوقي حبيبي هيفرح قوي اما تقول كده -

[00:34:16](#)

آآ منا انا حاسة ان انا ضايع ضايع ليه يا منه؟ حبيبتني ما فيش حاجة اسمها ضايعة. اوعي اوعي تعيشي الاحساس ده. عايزين نخلص يا جماعة من عقدة المتدينين والمتدينات انا - [00:34:31](#)

انا وحش. ليه؟ عندك شوية فتور؟ عندك زنب وقعت فيه؟ الدنيا شغلاك عشان خاطري. اسمعي خماسية الارتقاء في دستور الملثزم الجديد. انا بارد على اللي حاسس انه ضايع خلونا نتعامل مع الدين عمليا يا جماعة. الصحابة كانوا بيقعوا في زنوب زيننا. الصحابة كانوا بيجوا لهم فتور زيننا. الصحابة كانوا بيشتغلوا في الدنيا زيننا وما كانواش محبطين ولا مكتئبين - [00:34:44](#)

ما كانواش محبطين ولا مكتئبين. اختنا الكريمة ايات عباد الرحمن من الايات اللي بتهزني وبتزلزلي. ايات عباد الرحمن دي يا جماعة انا يعني ناس كانوا عايشين في مجتمع والزين لا يشهدون الزور. مجتمع بيحتفل بالكريسماس وباعيد الكفار وازا مروا باللغو. مجتمع مليون كورة وفيسبوك وانيسا وسوشيال ميديا - [00:35:04](#)

لا يزنون وزنا وبغاء وبيوت بغا اذا خاطبهم الجاهلون قالوا سلامة مجتمع مليون تكش وحرب عابدين وشتيمة في الشيخ الشعراوي ربنا يحفضه ويبارك فيه بكرة احنا الصفحة للشيخ الشعراوي بازن الله سبحانه وتعالى. بكرة يوم هنعمله لكم ان شاء الله على الصفحة عشان الشيخ الشعراوي. والكفر فوتو هتتغير وهتبقى للشيخ الشعراوي. ان شاء الله بازن الله بكرة - [00:35:24](#)

الصفحة كلها بتاعة الشيخ الشعراوي بازن الله مجتمع مليون. وفي النهاية اولئك يجزون الغرفة اعلى الفردوس الاعلى وصلوا لقمة الفردوس الاعلى الله اكبر. مش تقولوا على الاوائل على الكلية. مش ناس كانوا في دفعة فاشلة وطلعوا الاوائل على الكلية. ناس طلعوا الاوائل على البشرية - [00:35:47](#)

الجنة. طب ازاي؟ ازاي؟ واول صفة كانت صدمة وعباد الرحمن الذين يمشون على الارض. كان متوقع بقى ان هو مجتمع فاسد. فطلعوا الاوائل في لان هم اعتزلوا المجتمع ده يمشون على الارض وكانوا بيتعاملوا وبيصاحبوا وبيشاركوا الناس في السراء والضراء وبيشتغلوا في الدعوة وبيشتغلوا شغل دنيوي واتجوزوا وخلفوا - [00:36:03](#)

هب لنا من ازواجنا وذرياتنا قرة اعين. الله ازاي؟ لانهم ركبوا الطائرة ما ركبوش الحمار. يعني ايه ركبوا الطائرة ما ركبوش الحمار؟ اللي بيركب حمار ويسافر سفر بعيد. الحمار بيكسر له ظهره من كثر الطلاء والنزول. وهو في الاخر عمل بطل فردي اللي بيركب طائرة وهو نايم بيلاقى نفسه - [00:36:23](#)

من قارة لقارة. ايه الطائرة وايه الحمار؟ ايه اللي ركب الحمار ده اللي هو اللي ماشي لوحده في الدين؟ فاكر نفسه بطل فردي على الحصان بقى ولا على الحمار هيوصل. اللي ركب الطائرة ده اللي ركب دي - [00:36:43](#)

الايمان اللي تعرف على صحبة صالحة في تحفيظ قرآن في درس في المسجد في مسجد الكلية هتتعرفوا على الصحبة الصالحة في اي معهد علمي او تربوي في اي في بيئة ايمان زي ويتو الله منتدى ويتو الله موقع الطريق الى الله على النت او زي صفحة زي دي اتعرفوا على بعض يا جماعة. مش شاب بقى يدخل بقى في التعليقات يتعرف على بنت والكلام - [00:36:53](#)

الفارغ ده اتقوا الله. ادخلي على التعليقات بتاعة الصفحة عندي. هتلاقي فيه بنت كويسة وبتقول تعليق ايماني. قلولي لنا ممكن نتعرف السهلة دي ولا صعبة؟ لقيت واحد معلق تعليق جميل قل له ممكن نتعرف انا اسمي كزا وعايز صحبة صالحة. نتعرف على بعض افتحوا قلوبكم لبعض. ساعدوا بعض - [00:37:13](#)

دينا بتقول ازاي اتابع اخواتي في الالتزام يا دكتور بخاف اكون بضغط عليهم اوعي تفتكري انك بتضغطي عليهم ابدًا. لازم نشيل بعض ونستحمل بعض. لو اخواتك في التدين ما شلو كيش - [00:37:33](#)

مين اللي هيشيلك يا دينا ويرزقك الصحبة الصالحة. احمد عبد الاحد ربنا ينفع الامة بك يا حبيب قلبي ربنا ينفع الامة بنا جميعا يا رب ويستعملنا ولا يستبدل بنا ابدًا. حياتي كلها لله الله - [00:37:46](#)

بتاعك او بتاعك جميل اوي ادعي لي بالسبات يا شيخنا ربنا يسبتك ويسبتك يا رب. لمياء ادعي لي بحسن الخاتمة يا رب اللهم امين  
آآ ام فؤاد الغزاوي يا ريت كل شيوخك تبقى بالهدوء ده. ربنا يحفزك يا ام فؤاد يا رب ويبارك فيك. والله انا بحبكم في الله. والله  
العزيم - [00:37:58](#)

انا بحبكم في الله حبي شديد كبير قوي من وراكم وكل اخ وكل اخت معي دلوقتي على البث المباشر ومش معنا في اي مكان. انا  
عندي امل كبير اوي من وراكم. نفسي ان ربنا يستعملكم في الدعوة الى الله - [00:38:20](#)  
بحيس ان انتم كلكم تبقوا نجوم لنشر الهداية في الارض. نفسي ان انتم كلكم تتبنوا في الدين. نفسي ان انتم كلكم تتعرفوا على بعض  
وتكونوا بينات ايمان في كل مكان. نفسي في حاجات كتير اوي يا جماعة. ربنا - [00:38:33](#)  
مكن لنا في الارض يا رب اللهم امين. انا باحبكم في الله آآ بصلي بس مش عارف ابطل معاصي وحاسس انها مكرهاني في صلاتي.  
مروان حبيب قلبي يا مروان. اوعى الطاعة تسببك اوعى المعصية - [00:38:43](#)  
سايبك الطاعة. اوعى الشاب بيدأ يصلي ليه؟ انت بتعمل معاصي عامل لي شيخ فيها وانت؟ طب الحل ايه سيب الصلاة؟ اوعى  
الشیطان يضحك عليك. اوعى المعصية تسببك الطاعة. ما انتش قادر - [00:38:57](#)

قادر تسبب المعصية خلاص كمل الطاعة جنب المعصية. سب باب موارد بينك وبين ربنا ترجع منه. الطاعة اللي انت بتعملها دي هي  
الباب اللي ربنا هيرجعك منه قلت له طب انت عارف انت بتصلي بس يا مروان؟ والله العزيم يا مروان انا الفترة اللي فاتت كان عندي  
ازمة كبيرة جدا في حياتي - [00:39:11](#)

وكنت مش قادر ان انا يعني اعبد ربنا كتير واتوسل الى الله في العبادة دي ان ربنا ينجيني من الازمة اللي انا فيها. كت في صلاة  
الفريضة احرص على صلاة الجماعة وانا في - [00:39:27](#)  
سجود اول ما اخلص سبحان ربي الاعلى ولو مرة اقعد اقول حسبي الله ونعم الوكيل. حسبي الله ونعم الوكيل. يا رب يا رب قعدت  
كده كزا يوم والله العزيم ربنا غير لي كل حاجة في حياتي - [00:39:37](#)  
بدعاء سجود الفرائض بس. ما تياأسش يا حبيب قلبي. ربنا يفرجها عليك يا رب. آآ منى منى ممكن الرقم انا مش عارف يا منى انت  
بتردى على حد تقريبا معلش. انا مش واخد بالي آآ ام رائد فيديوهات خواطر الايات كانت رائعة ان شاء - [00:39:50](#)  
مش هبطلها ده دي اهم حاجة في دعوتي تفسير القرآن. ادعوا لي يا جماعة ان ربنا يفتح علي في تفسير القرآن. ان شاء الله بازن الله  
انا راجع ان شاء الله بتفسيرات كتاب الله سبحانه وتعالى - [00:40:09](#)  
ان شاء الله بازن الله ادعوا لي آآ محمد انت قدوتي ونفسي اتكلم معك حبيب قلبي انت اللي قدوتي يا محمد. شباب قلبه اخضر  
وجميل وآآ يعني حبيب قلبي الغالي السجاير دي ابتلاء. السجاير دي ادمان اشد من الخمرة يا جماعة. السجاير حرام. السجاير  
حرام. اوعوا - [00:40:19](#)

الشيخ اللي تودي في داهية. الشيخ اللي يقول لك اللي تموت وهي بترقص وهي راقصة. ادخل الجنة شهيدة في سبيل الله. ايه البلاء  
ده! الله ينتقم منك يا اخي! الله يظهر الامة من - [00:40:40](#)  
مالك يا اخي اللي يقول لك السجاير ما تفطرش في رمضان. اللي يقول لك يا جماعة يعني عشان كده بيهاجموا الشيخ الشعراوي. ليه؟  
لانه بيقول حرام وحلال. هم عايزين الشيخ - [00:40:50](#)

الزين لا يتعارضون مع الليبرالية. عادي قوم لوط في الاسلام مجرمين. ربنا خسف بهم الارض. في الليبرالية هم احرار. هم ضرو حد  
في حاجة الحلال والحرام دي اعظم نعمة في حياتنا من ربنا. ان ربنا يدينا شرع من عنده سبحانه وتعالى وينور لنا طريقنا. آآ المهندس  
محمد انا مستني - [00:41:00](#)

التعليق بتاعي وانا مستني التعليق بتاعك يا هندسة فين تعليقك مامة حمودي عايزة ادخل جروب حفز جزء عامة. اختي الكريمة يا  
ريت والله. ان شاء الله اكلم آآ اخونا القائم على التحفيز ويعلن عنه تاني - [00:41:20](#)  
ان شاء الله بازن الله اه اه اخونا الكريم جيمي انا عايز احفز القرآن احفز القرآن ازاى يا جيمي احفز القرآن انك تروح لمحفز وتبدأ من

الجزء الثلاثين وتبدأ بالراحة خالص. ان شاء الله شوية - 00:41:35

تسخن وهتطير بقى. بس اهم حاجة تنزل على الطريق. آآ احمد بحبك في الله وانا بحبك يا ابو جودي. ربنا حبيب قلبنا الغالي اه طيبة حكاية حياة ادعي لي انا نفسي ربنا يجبر لي خاطري في الزرية الصالحة. اسأل الله ان يرزقك الذرية الصالحة. اسأل الله ان يرزقك الذرية الصالحة - 00:41:48

اسأل الله ان يرزقك الذرية الصالحة الطيبة المباركة. ادعوا له يا جماعة. ادعوا لاختوكم ادعوا لاختوكم. آآ روميساء الحمد لله التزمت لبست النقاب الف مبروك يا روميساء. الف وما بسببش حد يحبطك. صاحبي بقى الملتزمات اللي وفيه صفحة نقاب لافرز على القيس ادخلي فيها ان شاء الله - 00:42:10

جامد بازن الله صفحة طيبة جميلة. بفضل الله بتحيي لبس امهات المؤمنين مهندس محمد عايز اصاحب ناس جدعان من المنصورة الماسورة مليانة يا جدعان يا شيخ. حبيبي يا هندسة انت مش لاقى ناس جدعان في المنصورة. انا اللهم لك الحمد لي اصحاب كتير قوي جدعان. كتير قوي دكتور احمد سيف - 00:42:30

والشيخ احمد وسيم انا لي صاحب كتير اوي بحبهم. اوي اوي اوي وجدعان ومليانين شهامة السنين. آآ ما انتش لاقى بقى مش عارف ليه اختنا اللي كان عندها زفاف راحت الرسالة مني - 00:42:51

ان شاء الله بازن الله ان شاء الله الاسماعيلى ان شاء الله نتقابل قريباً في المنصورة عمر لو في زنب مش عارف اتخلص منه اعمل ايه ويدروون السيئة ويدروون بالحسنة السيئة. اعمل طاعة ربنا يطرد المعصية من حياتك بسببها. خليكم عمليين في مواجهة المعاصي. ما تقعدش تحبط لي وانت اما تحبط - 00:43:04

الرسول عليه الصلاة والسلام يقول اتبع السيئة الحسنة تمحها. اتبع السيئة الحسنة. اول ما تقع في السيئة ما تعيطيش. فوراً اتبعها بالحسنة. فوراً يبقى الحسنة وراء تمحوها محو. مش عايز ديننا جميل. محبطين ليه - 00:43:26

ربنا جميل مكتئبين ليه؟ ربنا كريم وبيوعدنا بكل خير ومالي قلوبنا بالامل بوعوده العظيمة متوترين ليه؟ دينا سهل ويسير. خائفين نفسكم ليه؟ ربنا واعدنا بكل خير في الدنيا والاخرة. زعلانيين ليه - 00:43:41

ربنا كبير. ربنا قادر. اسمعوا دروس اسماء حسنى. دايماً اما اقعد مع اخواني في اي جلسة تربوية اقول لهم يا اخواني. يا جماعة سبب السعادة الوحيد في الحياة هو سماع - 00:43:59

دروس الاسماء الحسنى ومعرفة الله. يقولوا لي ازاى؟ اقول لهم حتى التدين غير سماع دروس اسماء حسنى ومن غير معاملة ربنا بالدعاء الكثير ومعرفة الله مش هيجيب سعادة. يقولوا لي ازاى؟ اقول لهم - 00:44:09

انا سبب سعادتى في حياتي. ان شاء الله بازن الله يا رب. لو ضحكت احياناً لو لو الاسماء الحسنى بتديني امل في الحياة. حتى لو الدنيا مليانة مشاكل. باحس ان اللي جاي جميل - 00:44:19

ولسوف يعطيك ربك فترضى. ربنا كبير. اسمعوا دروس الاسماء الحسنى كتير كتير. ان شاء الله بازن الله عايز آآ فرق العمل وفريق سفينة الدعوة وفريق آآ بين الناس عايزه يعملوا حملة من دروس الاسماء الحسنى اللي انا عملتها ان شاء الله اسبوع كده على الصفحة اسماء حسنى بس. ما بنسمعش - 00:44:29

غير عن ربنا بس. ربنا وبس. اسبوع كده ربنا وبس. كل ذكر لله سبحانه وتعالى. حبيبي يا محمد يا شيمي وانا بحبك في الله. سليمان محمد عايزين سلسلة زيكن جبالاً - 00:44:49

ما سمعتش عن تمسيلية ممالك النار اللي عاملينها عشان تشويه الدولة العثمانية. آآ ان شاء الله بازن الله انا بدأت اجهز فعلاً في سلسلة يعني يعني قصاد التمسيلية المخربة عايزين ايه من الدولة العثمانية؟ يعني طب وباقي الدول او الدولة العثمانية لما جت تنشأ كانت الامة الاسلامية خراب اصلاً ودمار - 00:45:02

واحتلال ومنسوفة. لما الدولة العثمانية وحدث الامة واقامت خلافة زعلانيين ليه؟ عشان هم اللي دفعوا موسكو واوروبا الجزية عشان هم اللي احتلوا هم اللي فتحوا دول كاملة في اوروبا زي المانيا وحولوها للاسلام. زعلانيين ليه؟ حارقة قلوبكم الدولة العثمانية ليه؟

عشان تقتلوا جوانا. اي - 00:45:22

تاني حسبنا الله ونعم الوكيل. اقرؤا تاريخكم يا شباب. اقرؤا تاريخكم يا ريت اه يعني اه لو حد منكم يعمل مسلا جروب مسلا تربوي اه لسلسلة كنا جبالا وينزل تفريغاتها موجودة بتفريغاتها بكل حاجة ويمتحن الناس عليها. احد اخواتنا الكريمات في السعودية جابت سلاسل الدعاة زي سلسلة - 00:45:43

لمازا محمد؟ وعملت جروبات واتس كتير وبدأت تنزل الناس وتمتحن عليهم تنزلهم للناس. وتمتحنهم عليها وتديهم اجازات فيها وعملت شغل جامد. ممكن تعملوا شغل جامد على هذه السلسلة اللي بتسمعوها وتفيدوا الناس آآ فيها. حبيبي يا عدولة وانا - 00:46:03

اصحاب حبيبي يا وجيه انت اللي راجل محترم حبيب قلبي. الداعية الصغيرة ادع لي ربنا يجعلني حاجة كبيرة في الدين. ربنا يفتح لك من ابواب الدعوة الى الله ما يرضى به عنك - 00:46:18

مش لازم حاجة كبيرة المهم حاجة ترضي ربنا سبحانه وتعالى يا رب يا عبدالرحمن ربنا يصلح لك ولادك ويصلح لك حالك يا رب. اسيل اه انا بمر بمشكلة ربنا يحفزك يا اسيل ابعتي المشكلة ان شاء الله على الصفحة واستاز ياسر يا ريت يوصلها لي - 00:46:29  
بازن الله. عايزين دورات همسة امل في اصلاح النفس ربنا يعيني ان شاء الله بازن الله واقدر قريبا بازن الله سبحانه وتعالى. ان شاء الله بازن الله. عشان كده كنت عايز فريق الايفينتات عشان الحاجات دي - 00:46:46

ارتب برضو دورات ان شاء الله واوديه امة الله حلقات زكري عشر ذي الحجة كانت رائعة وغيرت في كتير. آآ اسمعوا للدعاء يا جماعة. اسمعوا للدعاة. احترمو الدعاء الى الله واحترموا الجهد اللي ببزلوه عشان - 00:46:56  
في طريق ربنا ربنا يحفزك اختنا الكريمة اه سامي ربنا يوفقك في كل خطوة في حياتك يا رب يا رب اللهم امين يا سامي آآ يا رب الله يغفر له ويرحمه. الله يغفر لدكتور اسماعيل ويرحمه - 00:47:10

آآ حازم البحيري من لم يحمد لله فلا تشمتوه هذا صحيح اللي ما قلش الحمد لله. ما تقولوش يرحمك الله آآ وانا نفسي اقابلك واتعمل معك بس ازاى ؟ آآ - 00:47:28

آآ امة الله ابي بيعاملني معاملة قاسية. كيف اتعامل مع المعاملة القاسية لابي ارحميه يا حبيبتني ارحميه. وربنا يرزقك زوج في المستقبل يعوضك عن كل حاجة في حياتك بازن الله سبحانه وتعالى آآ - 00:47:43  
انا مش عارف اعمل ايه مصطفى ابو عمار بحبك يا شيخ وانا بموت فيك يا ابو عمار. حبيب قلبي الغالي. فكرتني بالشيخ محمود المصري ابو عمار. ربنا يصلح له حاله. ويوفقه يا رب ويبارك في دعوته ويفتح عليه - 00:47:58

ايداه فتح مبين يا رب. واللي يعرف الشيخ ابو عمار محمود المصري يوصل له سلامي اي شيخ من مشايخنا في العالم الاسلامي الشيخ العريفي الشيخ حسن الحسيني الشيخ آآ نبيل آآ العوضي اي حد من مشايخنا يسلم بيبوس ايداه - 00:48:12  
بلغ له السلام آآ محمود ادهم حاسس بالتوهان ليه ؟ وحاسس باللامبالاة. انا نصيحتي لك لي كتاب اسمه انا مش فاهمني. لو تعرف توصل له كان فيه اعلان عنده على الصفحة للي عايز يوصل له الكتاب قريبا. شفتهم هاصفحة اقراه وان شاء الله هيفرق معك كتير قوي الكتاب ده - 00:48:27

جميل قوي اميرة باعثة لواحدة اسمها سماح عن كتاب اول مرة اصلي للدكتور خالد ابو شادي. اوصلوا بعض. ربنا يحفزك يا اميرة انت وسماح. انصحوا بعض اتعرفوا على بعض الشباب والشباب والبنات على البنات. لو اي واحد جه اتعرف عليك على الصفحة ولا في اي مكان ارفظيه فورا. فورا ادي له بالشلوت. على النت كده ابعتي له شلوت على النت - 00:48:47

انما آآ اتعرفوا على بعض. شباب على شباب وبنات على بنات. فيدوا بعض خدوا بايد بعض. ربنا يحفزكم. كونوا فرق عمل مع بعض آآ حسب بقى يعني زوجتي غضبانة بدون سبب شرعي بقى لها سبع شهور. واريد التزوج بزوجة صالحة - 00:49:07  
لأشف حد يصلح بينكم الاول يا اخي الكريم الموضوع مش كده. شف ما تصالحتش خلاص لو هي مش عايزة الحياة خلاص ان يتفرقا يغني الله كلا من سعته. ولكن الاول دخل - 00:49:26



حكيم دعوتك للمغتربين بالثبات وحسن الخاتمة ربنا يحفزك حبيب قلبي الغالي ده المغتربين دي احلى حياة. ما فيش بقى يعني هترجع امتى ومش الاب والام نعمة بس يعني انا كنت عايش مع زمائلي المغتربين وانا طالب في الجامعة كنا - [00:49:36](#)

طايرين في الدروس والتدين. الجامعة دي فرصة كبيرة اوي. انما لو مغترب في الشغل اوعى تسبب اسرتك. اوعى تسبب اسرتك. يا ترجع يا تجيبهم. مش عارف تجيبهم ارجع. حتى لو مديون - [00:49:51](#)

فوقوا يا جماعة وانا باحبك يا سليمان في الله. ربنا يرضى عني وعنك. ايمن يا رب تبقى من علماء الامة يا رب. يا رب اللهم امين اه يا رب يفرج كربك يا رب يفرج كربك يا محاسن ويسد الدين عنك يا رب - [00:50:01](#)

اللهم امين اللهم اسئله كتير قوي حبيبي في سانوية عامة همسة ربنا يوفقك وينجحك ويبارك في مستقبلك يا رب يا همسة يا رب. ويفتح عليك اخوانا في الاسماعيلية ربنا يحفزكم - [00:50:19](#)

آآ هنعمل ايه بس؟ هنعمل ايه يا اخواني؟ الاسئلة كتير وانا مش عارف اعمل ايه؟ اللهم بارك اللهم بارك ده يعني احمد زوجتي بتنكد علي وغضبان على طول من غير سبب وبدور على زوجة صالحة. آآ شف - [00:50:31](#)

في بيدخل بينكم الاول يصلح ما عرفش يصلح وخلص خلاص ان يتفرقا يغني الله كلا من سعته الدنيا سهلة الجواز سهل والطلاق سهل الدنيا سهلة ولكن اوعى تكون انت غلطان وفاكر ان الغلط على الطرف الثاني - [00:50:48](#)

آآ دينا اخويا عنده ست سنين اربطه ازاى بالدين هو مرتبط بالكرتون والمسلسلات والفون آآ سمعيه مقاطع دينية آآ اقعدني انت كلميه. اقعدني احكي له قصص دينية جميلة. آآ وفيها وانت بتكرهي عقليته هتنبهر باي حاجة تقوليها - [00:51:01](#)

فيها يعني اقعدني كلميه عن ربنا وكلميه عن الله وجمال ربنا خدي معك في اي درس وهاتي له شوكلاتة آآ ده ابنك مش اخوك الصغير ده ابنك يا رب يفرح قلبك يا ناصر ويفرج كربك يا رب - [00:51:23](#)

يا رب آآ اه رحلات العمرة امتى؟ ان شاء الله قريباً في خلال ايام هعلن لكم عن رحلة تربية ستة ان شاء الله بازن الله. الاخوات بغير محرم السعودية دلوقتي عدي تسفرهم. يعني - [00:51:38](#)

يعني ربنا يسر. يا شيخنا بعد دراسة معهد ابجديات آآ ماذا افعل؟ ادخلي بقى اكااديمية زاد مع بتاع الشيخ محمد الغليظ ادخلي بقى تاج الكرامة. تاج الكرامة. بتاع مركز ايات. جميل اوي اوي اوي. آآ انا عايز - [00:51:50](#)

عايز اكمل معكم وانا بحبكم في الله والله. وحلقات يا هاجر عن تطوير النفس واكتشاف الذات. بالنسبة لي انا مش فاهمني. دي الحاجة اللي انا عملتها عن تطوير النفس واكتشاف الذات ربنا يحفزكم وربنا يبارك فيكم وربنا ينفع بك وربنا يفرج كربكم. ربنا يفرح قلبكم وربنا يبارك فيكم وربنا يستعملكم ولا يستبدل بكم ابد - [00:52:09](#)

يا رب. اللهم استعملنا ولا تستبدل بنا. اللهم ولا تستبدل بنا. اللهم استعملنا ولا تستبدل بنا. اللهم افتح لنا من ابواب الدعوة اليك ما ترضى به عنا. اللهم افتح لنا من ابواب الدعوة اليك ما - [00:52:29](#)

ترضى به عنا. اللهم اللهم ارضنا وارض عنا. اللهم زدنا ولا تنقصنا. اللهم اكرمنا ولا تهنا. اللهم لا تحرمنا. اللهم اثرنا ولا تؤثر علينا. اللهم اهدنا ويسر الهدى الينا. اللهم يسر لنا سبيلنا الى بيتك الحرام. اللهم - [00:52:43](#)

اللهم ارزقنا العمرة بعد العمرة والحج بعد الحج. اللهم استعملنا في نصرة دينك في الارض يا رب العرش العظيم. اللهم اهدنا ويسر الهدى الينا اللهم فرج كربنا اللهم ابدد الديون عنا. اللهم اشف امراضنا. اللهم عافنا في ابداننا. اللهم رب لنا اولادنا. اللهم اصلح احوالنا - [00:53:03](#)

اللهم اهدنا فيمن هديت وعافنا فيمن عافيت. وتولنا فيمن توليت. وقنا واصرف شر ما قضيت وبارك اللهم لنا فيما اعطيت. انه لا يذل من واليت تباركت وتعاليت. حبايب قلبي. حبايب قلب اخوكم - [00:53:23](#)

حبايب قلبي كنا في ساعة مع حازم. حبايب قلب حازم. ربنا يحفزكم ويبارك فيكم ويسدركم. ربنا وحده يعلم انتم غاليين علينا قد ايه. وامانينا من وراكم في دين الله قد - [00:53:43](#)

اوعوا تخذلونا ربنا يسدركم. ربنا يستعملكم ولا يستبدل بكم. ربنا يفرج كربكم. ربنا يعمر حياتنا وحياتكم بالذكر ليلا ونهاراً وجهارة.

ربنا يؤلف بين قلوبنا على ما يرضيه عنا. ربنا يصلح احوال مصر وسوريا والعراق - 00:53:53  
والسعودية والامارات وقطر وليبيا وتونس والجزاير والمغرب والامة كلها يا رب. ربنا يصلح احوال المسلمين جميعا يا رب. اللهم  
سبحانك اللهم وبحمدك اشهد ان لا اله الا انت استغفرک واتوب اليک. جزاکم الله خيرا - 00:54:11